

EUSKAL HERRIA BILDU FEDERAZIOAREN KONTU BATZORDEAREN TXOSTENA 2024 EKITALDIA

EUSKAL HERRIA BILDUKo Kontu Batzordeak, Federazioaren Estatutuen 25. artikuluan adierazitakoari jarraituz, honako hau ezartzen du: "Kontu Batzordea barne-organo ikuskatzailea da, eta kontabilitatearen kontrola eta ikuskapena, EH Bilduren baliabide ekonomikoen eta ondareen erabilera zuzena eta gobernu-organoetan eduki ekonomikoa duten ekintzen legezkotasuna bermatzen ditu".

Horregatik:

EH BILDUKo Kontuen Batzordeak Federazioaren Emaizten Kontua ikusi eta aztertu behar du, eta haren balantzea berrikusi, bai eta urteko aurrekontuarekiko duen koherentzia eta balizko desbideraketak aztertu behar ditu. Kontabilitateko kasuak kontrolatzeko eta horien jarraipena egiteko eztabaidak egitea eta baliabideen erabilera egokia eta xedea zaintzea.

Azken batean, Federazioaren antolakuntza-egituraren parte izanik, Kontu Batzordea Federazioaren baliabideen erabilera egokia aztertzeaz eta ebaluatzeaz arduratzen da.

Halaber, alderdi politikoen finantzaketari buruzko uztailaren 4ko 8/2007 Lege Organikoaren 15. artikulua honako hau adierazten du: "Alderdi politikoek barne-kontrolako sistema bat aurreikusi beharko dute, eduki ekonomikoa duten eskubide eta betebeharrak eratortzen dituzten egintza eta dokumentu guztien esku-hartze eta kontabilizazio egokia bermatzeko, beren estatutuen arabera. Auditoretza horren ondoriozko txostena Kontu Auzitegiari aurkeztu beharreko dokumentazioarekin batera aurkeztuko da. "

Horregatik guztiagatik, eta 8/2007 Legea zein EH BILDU Federazioaren estatutuak betez, 2024ko ekitaldiko kontularitzako fiskalizazioari buruzko txosten hau igortzen da.

1. Kontuen Batzordearen antolaketa eta helburuak.

Egungo Kontu Batzordea 2025eko otsailaren 8an onartu zen EH BILDU Federazioaren hirugarren Biltzarraren ondoren eratu zen. Izendapena bozketa izendun bidez egin zen eta Batzordeko kide izendatu ziren:

- Maider Otamendi Tolosa
- Pedro A. Gutiérrez Gutiérrez
- Manuel Fraile Etxenike

Batzorde honen eginkizuna Federazioaren Gobernu organoetan gauzatzen diren eduki ekonomikoa duten ekintzen legezotasuna gainbegiratu eta bermatzea da. Horretarako, Batzordeak bere eginkizuna betetzeko eskatutako dokumentazio guztia eskuratu ahal izan du, hala nola:

- Ekintza ekonomiko eta finantzarioei lotutako dokumentazioa
- Kontularitzako liburuak: Galdu Irabaziak, Balantzeak, Nagusiak, etab.
- Banku-saldoak eta -egoerak
- Lotura ekonomiko-finantzarioa duten gobernu-organoek hartutako erabakiak.

Kontuen batzorde aztertzaileak, dokumentazio hori guztia eskuratu ondoren, berrikusi egin du, eta honako alderdi hauek bete direla azpimarratu du:

- EUSKAL HERRIA BILDUko kontabilitateak. Federazioaren egoera ekonomikoa fideltasunez islatzen duela baieztatzea.
- Ekonomia-arloko egintzek EH BILDU Federazioaren estatutuak eta araudiak betetzen dituela ziurtatzea.
- Batzar Orokorraren erabakiak betetzea arlo ekonomikoan, Biltzarren artean Federazioaren organo gorena baita.
- Indarrean dagoen legeria betetzea.
- Indarrean dagoen araubide ekonomikoa betetzea zuzendaritza-karguei eta koordinazioaren ordezkari diren kargu publikoei dagokienez.
- Bideragarritasun planak eta aurrekontu aurreikuspenak betetzea.
- Zerga-betebeharrak betetzea.

2. Txostenaren irismena:

2.1. Diru-sarrerak

EH BILDU Federazioaren diru-sarrerak, sarrera pribatuen eta finantzaketa publikoko iturrien artean banatzen dira.

- **Sarrera pribatuak:**

EH BILDU Federazioak jasotzen dituen diru-sarrera pribatuak BILKIDEn kuotak eta kargu publikoen ekarpenak dira.

Komisio honek ziurtatu du BILKIDEn kobrantzak zentralizatuta daudela eta kudeaketa zuzenbidearen arabera eta Federazioaren estatutu eta araudiei jarraituz egin dela.

Kargu publikoen ekarpenak zentralizatuta daude, eta legeak ezartzen duen moduan kobratzen dira horretarako irekitako kontuetan.

- **Diru-sarrera publikoak:**

EHBILDU Federazioaren jatorri publikoko diru-sarrerak dira erakunde publikoetatik datozenak, Federazioaren ordezkarietatik edo hauteskundeetako emaitzengatik.

Erakundeetako ordezkarietatik eratorritako diru-sarrerak talde parlamentarioek, batzarkideek eta udal taldeek kudeatzen dituzte batez ere.

Funtzionamendu-gastuetarako diru-sarrera publikoak xede horretarako ezarritako kontuetan sartu dira.

2.2. Gastuak:

Gastuen aurrekontua urtero egiten da eta, ordaindu aurretik, finantza arduradunak onartzen ditu.

Horrela, alokairu guztiak, kontratuak, etab. EH BILDUko finantza arduradunak formalizatu behar ditu, Federazioaren zuzendaritzak onartu eta bere WEB orrian argitaratutako kontratazio oinarrietan ezarritakoaren arabera.

Urteko aurrekontuak EH BILDUren mahai politikoak onartzen ditu, eta, aldian-aldian, Finantza Sailetik aurrekontuaren likidazioaren jarraipena ematen zaio zuzendaritzari, aldi horretako faktura eta gastu hitzartuen zerrendarekin batera.

Toki erakunde bakoitzak, bere aldetik, aurrekontu bat dauka esleitu, EH BILDUren barne-araudietan ezarritakoaren arabera, eta askatasunez kudeatzen dute aurrekontu hori.

2.3. Zerga-kudeaketa:

Foru Ogasunekiko harremanak Finantza arduradunaren bitartez egiten dira. Horrek esan nahi du zergen aldizkako likidazioak modu telematikoan egiten direla eta ordainketak Alderdiak horretarako dituen banku-kontuen bidez egiten direla.

Zehazki, eta aurreikusitako epeetan, Alderdiak adierazpen hauek aurkeztu ditu:

Langileen PFEZ atxikitze 110. eredu.

Alokairuen atxikipen 115 eredu.

Hirugarrenekin egindako eragiketen urteko 347 eredu.

Afiliatuen eta kargu publikoen kuoten 182 eredu.

PFEZaren urteko 190 informazio-eredu.

Alokairuak atxikitze urteko 180 informazio-eredu.

Eredu horiek dagokien foru-ogasunaren arabera alda daitezke zenbakitzeari dagokionez.

3. Txostenaren ondorioak:

Egindako egintzen ondorioz, honako hau ondoriozta daiteke:

- Eskubide eta betebeharrak ekonomikoek isla izan dute kontabilitatean.
- Kontabilitatearen isla alderdi politikoei egokitutako kontabilitate-planaren arabera egin da.
- Batzar Nagusiak arlo ekonomikoan zehaztu dituen irizpenak behar bezala bete dira.
- Dagokion legerian ezarritako legezko betebeharrak bete direla uste da.
- Zerga eta gizarte betebeharrak bete dira.

Horregatik guztiagatik, eta barne-kontroleko edozein sistemak berez dituen mugak aintzat hartuta, horrek berez ekar baitezake zehaztasun eta azkartasun handiagoz edo txikiagoz detekta daitezkeen akatsak eta/edo irregulartasunak gertatzea, honako hau ondorioztatzen da: informazioa eta horri dagokion dokumentu-euskarria aztertuta, hau da, 2024ko urtarrilaren 1etik 2024ko abenduaren 31ra bitarteko aldiari dagokiona, barne-kontrolen alderdi esanguratsuak eraginkorrak izan direla, eta Urteko Kontuek fideltasunez islatzen dituztela Euskal Herria Bilduk ekitaldian zehar izandako diru-sarrerak eta gastuak, bai eta haren ondare-egoera ere, eta ez dela inolako ziurgabetasunik hauteman horien emaitzan eragina izan lezaketen zor, auzi eta/edo auzibideengatik.

4. Gomendioak

Batzorde honek gomendio hauek egin nahi ditu:

- Emaitei aplikatu zaizkie ordainketa okerrengatiko saldoak eta, gomendioak gomendio, akatsak ikusten dira oraindik orain; beraz, horiek saihesteko kontrolean sakontzea gomendatzen da.
- Emaitei Federazioarentzat okerrak diren saldoak aplikatu aurretik, komeni da horiek bezero/hartzekodunekin bateratzea eta ondoren emaitzei aplikatzea.
- Balantzean adierazi behar da, halaber, Pasiboan segurtasun-gastuetarako dirulaguntzak negatiboan agertzen direla (32.265,70 euro). Kontu Batzordearen kudeaketak argitzea eskatzen du, eta EH Bilduk honela du: gaizki egindako erregularizazio idazpena zuzentzen da. 16.132,85 euro erregularizatu dira, aurreko ekitaldietako aplikatu gabeko partiden eta Barne Ministerioak EH Bilduri eskatu dizkion itzulketen arteko diferentziei dagozkienak. Osorik aplikatu ez diren partidak 2016-2018-2019-2020 ekitaldietakoak dira, eta Barne Ministerioaren irizpideen arabera itzulketak 2021-2023-2024 ekitaldietan egin behar dira. Ateratzen den aldea erregularizatu egiten da.
- Balantzean eta AKTIBOAN aldaketarik izan ez duten 14.860,00 euroko funts-hornidurak daude abokatuentzat/prokuradoreentzat. Argitu haiekin, eta egiaztatu zifra horiek bat datozela. Kontu Batzordearen kudeaketak argitzea eskatzen du, eta EH Bilduk honela egiten du: 2025eko ekitaldian zehar hornitzaile bakoitzarekin eskatutako berrikuspena egiten ari da.
- 476.1 partida argitu egin behar da: 476.1 EH Bilduko langile baten gizarte-segurantzarekin izandako gorabehera bati dagokio. Bajaren izapideak Gizarte Segurantzarekin zuzendu dira.
- Adierazitako ratioen barruan, kaudimenarena eta maniobra-funtsarena, hirugarren bat sartu beharko litzateke: CASCH FLOW, EHBk likidezia sortzeko eta bere funtzionamendu-beharrak betetzeko duen gaitasuna islatzen baitu. *Hurrengo ekitaldietarako kontuan hartzen da.*
- 2023ko maiatzaren 28ko Arabako, Bizkaiko eta Gipuzkoako Batzar Nagusietarako hauteskundeei dagokienez, Herri Kontuen Euskal Epaitegiak ikusi zuen EH Bilduk gainditu egin zituela hauteskunde-gastuaren legezko mugak. Txosten hori oinarri hartuta, Estatuko Kontu Auzitegiak, partiden finantzaketan eskumena duen bakarrak, arau-hauste oso larriengatiko espedienteak irekitzea erabaki zuen 2024ko irailaren 26an (17.2.b LOFPP), guztira 408.988,04 euroko zehapenak proposatuz. Nahiz eta bere argudio juridikoak zuzenak zirela pentsatu, EH Bilduk erantzukizuna bere gain hartu eta borondatezko ordainketa egin zuen, eta horrela zigorra %40an murriztu zen. Ordaindutako azken zenbatekoa 245.392,82 eurokoa izan zen. Kontuen Auzitegiaren Osoko Bilkurak 2024ko azaroaren 28an ebatzi zuen espedienteak, zehapen murriztuak ezarri eta Alderdi Politikoen Erregistroan inskribatuz.

ehbildu

2023ko udal hauteskundeek Fiskalizazio Txostenean, 2025eko lehen hiruhilekoan argitaratua, Kontu Auzitegiak adierazten du EH Bilduk hauteskunde-kontabilitatea aurkeztu zuela LOREGen 133.1 artikuluan ezarritako epearen barruan. Era berean, alderdiak 2023ko azaroaren 21ean zuzendu zuela kontabilitate hori. Azterketa xehatua egin ondoren, zuzenketak onartu egin ziren.

Era berean, 2023ko udal, foru eta foru hauteskunderen eta 2024ko Eusko Legebiltzarrerako hauteskunderen dagokienez, auzitegi fiskatzaileek egindako fiskalizazio guztiak eta agintari eskudunek emandako ebazpen administratiboak EH Bilduren kontabilitateak baliozkotzearekin amaitu ziren, dagozkion diru-laguntza guztiak jasotzeko eskubidea aitortuz. Adierazpen horiek berretsi egiten dute formalki indarrean dagoen araudira egokitzen direla.

Donostian, 2025eko ekainaren 6an

EH BILDU Federazioko Kontu Batzordea

Manuel Fraile Etxenike

Maidor Otamendi Tolosa

Pedro A. Gutiérrez Gutiérrez